

## Onderm Disch

---

1. Als Jonger mit 20 waret viele Sacha wichtig *(gesprochen)*  
Des Ozonloch, des Sterba vom Wald  
Proteschtiert hämmer und des war emmer richtig  
Weil, Du woisch jo, d'Apokalypse kommt bald

2. Heit ben i froh, daß i einigermaße xond bin *(gesprochen)*  
Net reich aber au net ganz arm  
Daß i lang gnug in d Rente eizahlt han  
Und mei Häusle isch im Winter schee warm

**Refr.**

**Weil 40 Jahr isch a voll lange Zeit  
I hans gar net so richtig kapiert  
Und in 40 Jahr isch so brutal viel bassiert  
Aber i glaub, nex was mi werklich reit  
Nex was mi werklich reit**

3. Isch's heit besser, mit Gender und Klimaglomp *(gesprochen)*  
Multikulti, Corona, EU?  
Wo i nemme saga derf, was i wirklich fend  
Drum sag i au besser nix meh dazu

4. I hoff abr, daß i mein Diesel no a weng fahra derf *(gesprochen)*  
Und daß mer mir mei Hoimat voll läßt  
Daß mr sich wider Erwarda doch no bsinnt  
Und ihr die ganz normale Leit net vergeßet

**Refr.**

5. Aber ois hat me begeitet über die saulange Zeit *(gesprochen)*  
War emmer irgendwie do ond au nah  
Vom erschta Ton oa hat mes packt und verfolgt  
Wo immer i letschtlich au war

6. Die Musik war die große Konstante im Läba *(gesprochen)*  
Hat mi tröschtet, bschäftigt und gliebt  
Vom erschta Liedle bis zum allerletschta  
Über alle Schläg hinweg, die mer so kriegt

**Refr.,** *2-stimmig*

**Refr. 2**

**Hätt i macha solla, was i will  
Bloß wer woiß was des so genau isch  
Baar Sacha hätt i wohl besser net gmacht  
Ond zwoi, drei fallet onder dr Disch  
Fallet ondr dr Disch**